

 KEC Qendra për Arsim e Kosovës Kosova Education Center	SYLLABUSI I PROGRAMIT TË TRAJNIMIT		F-042
	Prishtinë	v. 2.0	Faqe 1 nga 3

Kodi: 075

KËSHILLIMI DHE ORIENTIMI PËR KARRIERË

Tipi i Programit: Themelor

Hyrje

Orientimi për karrierë është identifikuar si pikë kyçe në Planin Strategjik për Zhvillimin e Arsimit në Kosovë (PSAK) 2017-2021 (Ministria e Arsimit, Shkencës dhe Teknologjisë, 2016) dhe vazhdon të jetë në fokus të politikave arsimore. Mungesa e orientimit për karrierë në kombinim me mungesën e informatave për tregut janë shkaktarë të mospërshtatjes së kërkesave të tregut dhe shkathtësive të nxënësve dhe rrjedhimisht edhe në mundësitë dhe ofertat e shkollimit dhe punësimit. Orientimi për karrierë është i rëndësishëm edhe për nxënësit, prindërit e tyre dhe mësimdhënësit në shkolla. Trajnimi i mësimdhënësve të cilët në kombinim me ekspertizën profesionale lëndore kryejnë edhe detyra tjera në shkollë si kujdestari, udhëheqje të klubeve dhe aktiviteteve tjera jashtëkurrikulare u jep mundësi atyre të identifikojnë prirjet e nxënësit, si dhe t'i këshillojnë dhe inspirojnë ata në mënyrë profesionale. Tema e këshillimit dhe orientimit në karrierë është aktuale edhe më tutje për Ministrinë e arsimit, Drejtoritë komunale dhe shkollat. Prandaj ky program trajnimi do të kërkohet edhe një kohë të gjatë.

Korniza Kurrikulare e Arsimit Parauniversitar të Kosovës (Ministria e Arsimit, Shkencës dhe Teknologjisë, 2016) në Shk 5 dhe Shk 6 - për gjimnaze përfshin konceptet e TIK-ut, këshillimin dhe orientimin në karrierë, ndërmarrësinë dhe edukimin për zhvillimin e qëndrueshëm, kurse tek shkollat profesionale përfshihet edhe teoria dhe praktika në profesion (varësisht nga profili arsimor).

Programi trajnues 'Këshillim dhe Orientim për karrierë', është konceptuar në konsultim të vazhdueshëm me koordinatorët përgjegjës për kurrikulën e fushës 'Jeta dhe puna' në MASHT, ku si pikënisje fillestare ka qenë nevoja për zhvillimin profesional të mësimdhënësve të kësaj fushe, si mbështetje e drejtpërdrejtë e reformës kurrikulare. Kjo fushë mban në vete tri koncepte kryesore, ndërmarrësinë, orientimin dhe këshillimin për karrierë dhe, Teknologjinë e informacionit dhe të komunikimit.

Qëllimi dhe rezultatet e pritura

Me përvetësimin e këtij programi pjesëmarrësit duhet të jenë gjendje të:

- Identifikojnë aktivitetet e KOK të dalura nga rezultatet e pritura mësimore të përshkruara në Kurikulin e Kosovës
- Analizojnë dhe zhvillojnë një metodë të mësimdhënies duke përdorur qasjen e bazuar në rezultate
- Reflektojnë mbi mësimdhënien e tyre dhe të japin vlerësime konstruktive kolegjale

	SYLLABUSI I PROGRAMIT TË TRAJNIMIT		F-042
	Prishtinë	v. 2.0	Faqe 2 nga 3

Përmbajtja

Ky program trajnues i adreson konceptet e këshillimit dhe orientimit për karrierë, dhe paraqet një të tretën e materialit që pritet të realizohet nga fusha 'jeta dhe puna' (pjesa për 'Ndërmarrësinë' dhe 'Teknologjinë e informacionit', janë programe të veçanta trajnimi). Përmes trajnimit të mësimdhënësve në këtë program do të zërthehen konceptet e karrierës në aktivitete konkrete, duke i lidhur ato me rezultatet mësimore të fushës 'jeta dhe puna'. Në këtë aspekt do të punohet me plane konkrete mësimore të klasëve ku mësimdhënësi mban mësimin. Gjatë implementimit të njohurive me nxënësit në klasë, mësimdhënësit do të mbajnë portfoliot e tyre, të cilat do ti prezantojnë në ditën e fundit të trajnimit.

Grupi i synuar

Të gjithë mësimdhënësit e fushës 'jeta dhe puna' të shkollave të mesme të larta, Gjinnazeve dhe shkollave profesionale, respektivisht klasave X, XI, dhe XII. Në kuadër të programit ASSET të KEC-it, janë certifikuar 103 mësimdhënës të gjinnazeve partnere. Por, ky program trajnimi është i përshtatshëm edhe për mësimdhënësit e fushave tjera mësimore të këtij niveli të shkollimit, si trajnim plotësues, numri i të cilëve nuk është i kufizuar. Në ndërkohë, është përgatitur edhe doracaku për mësimdhënës të gjinnazeve, i cili është i bazuar në këtë kurs dhe në kurrikulin e fushës 'jeta dhe puna'.

Forma e organizimit / Kohëzgjatja

Pjesëmarrësit e identifikuar paraprakisht do të marrin detyrat përgatitore duke pranuar materialin për lexim fillestar. Pastaj, pjesëmarrësit do të vijojnë tri ditë të plota, secila ditë me nga katër sesione 90 minutëshe, të moderuara nga fasilituesit profesional. Ndërmjet ditëve të trajnimit do të ketë hapësirë kohore prej disa javësh, për të zbatuar aktivitete me nxënësit e tyre, dhe gjatë kësaj periudhe do të mentorohen nga fasilituesit e programit, që të mbështeten në përmbushjen e kërkesave për certifikim.

Gjithsejt programi organizohet me gjithsejt 24 orë angazhim kohor:

6 orë x 3 ditë= 18 orë kontaktuese

6 orë për implementimin e aktiviteteve dhe pjesëmarrjes në takimet reflektuese (përgatitje, konsultime online, observime në klasë, etj.)

Vlerësimi/Certifikimi

Në fund të këtij trajnimi pjesëmarrësit mësimdhënë do të certifikohen duke u kredituar me gjithsejt 24 orë trajnimi.

Kriteret për certifikim janë:

- 90% pjesëmarrje në trajnim dhe në takimet reflektuese me mentor;
- Portfolio që dëshmon se janë zbatuar aktivitete në klasë sipas kërkesave në udhëzim të programit trajnues (me së paku 5 plane mësimore të lidhura me rezultatet mësimore / apo një

 KEC Qendra për Arsim e Kosovës Kosova Education Center	SYLLABUSI I PROGRAMIT TË TRAJNIMIT		F-042
	Prishtinë	v. 2.0	Faqe 3 nga 3

projekt mësimor); [për mësimdhënësit e fushave tjera mësimore (përveç 'jeta dhe puna') janë të mjaftueshme 2 plane mësimore]

Materialët e trajnimit

- Udhëzuesi për fasilitues; prezantimet me sllajdet e kursit për këshillim dhe orientim në karrierë; pyetësi për mësimdhënësit;
- Videot e profesioneve;
- Doracaku për mësimdhënësit